

» et officiis ecclesiasticis, quae eos tunc obtinere contigerit, sine
» spe restitutionis eo ipso sint privati et ipsis ac aliis natis tunc et
» illis qui postmodum nascerentur, usque ad generationem prae-
» dictam ad illa quibus sic privati forent ac alias ad ecclesias, mo-
» nasteria, dignitates, administrationes et officia, aliaque beneficia
» ecclesiastica et ad quoscumque ordines et honores ecclesiasticos
» vel mundanos sit penitus praeclusus aditus et ascensus. Et cum
» salubre existat ac publicae utilitati non parum expedire noscatur,
» eos sic tunc tot censuris et poenis ligatos a Christifidelium coetu
» tamquam membra putrida, ne eorum versutiis alios ad eorum
» perniciem deducant, segregare, universas et singulas Padua-
» nae, Veronensis, Vicentinae, Cremonensis, Brixienensis, Tarvisi-
» nae, Pergamensis, Trigestinae, Tranensis, Brundusinae, Hy-
» druntinae, Monopolitanae et aliorum civitatum, terrarum et
» locorum ditioni eorundem Venetorum, ut praefertur, etiam
» de facto obtemperantes communitates, universitates, et quos in
» eis tempore quo praefati Veneti privationis juris eorum in illis
» poenam praedictam incurrant, habitare contigerit singulas per-
» sonas et generaliter quoscumque vassallos eorundem sic moni-
» torum dicta auctoritate de simili consilio requirimus et mone-
» mus, ut infra sex dies a tempore dictae privationis, quorum duos
» pro primo, duos pro secundo et reliquos duos dies pro ultimo et
» peremptorio termino eis et cuilibet eorum canonica monitione
» praemissa assignamus, ab eorundem Venetorum et existentium
» tunc in civitatibus, terris et locis praedictis pro eisdem potesta-
» tum, provisorum et quorumlibet aliorum officialium obedientia
» penitus et omnino quantum in eis est se subtrahant et illos in
» eorum superiores nullatenus recognoscant, nec illorum mandatis
» obtemperent quoquomodo. Et si qui eorundem subditorum et
» vassallorum in his fuerint negligentes vel remissi, seu alias quo-
» modolibet culpabiles, in eos et quemlibet eorum omnes et sin-
» gulas prolatas per praesentes in eosdem ducem Venetiarum
» ac alios monitos praefatos, excommunicationis, aggravationis,